

18042006

NB! Arbeidsdokument – ikkje offentleg, jf. off. lova § 5

jotutla-nyforskrift18042006

Ny verneforskrift (*tillegg frå gamal forskrift i kursiv utan utheving, alt frå standardforskrift er ikkje i kursiv. Men utheving i tekst (sjølve reglane) er nytt, både i høve gamle reglar og i høve standard forskrift*)

## FORSKRIFT FOR JOTUNHEIMEN NASJONALPARK I LOM, VÅGÅ OG VANG KOMMUNAR I OPPLAND FYLKE, LUSTER OG ÅRDAL KOMMUNAR I SOGN OG FJORDANE FYLKE

Fastsett ved kgl.res. av 5.desember 1980 med heimel i lov av 19.juni 1970 nr. 63 om naturvern § 3 jfr. § 4 og § 21, § 22 og § 23. Fremja av Miljøverndepartementet. Endra 7.mai 1982 nr. 803, 18. juli 1991 nr.484, 24.oktober 2003 nr. 1263, 2.november 2004, 16. november 2004.

### § 1 AVGRENSING

Verneområdet berører følgjande gnr/bnr:

.....kommune:

.....kommune:

Nasjonalparken dekkjer eit totalareal på ca. 1151 km<sup>2</sup>. Av dette ligg ca. 919 km<sup>2</sup>. i Oppland fylke og ca. 232 km<sup>2</sup>. i Sogn og Fjordane fylke.

Grensene for nasjonalparken går fram av vedlagte kart i målestokk 1:100.000 (eller større), datert Miljøverndepartementet .....20??. Dei nøyaktige grensene for nasjonalparken skal merkjast opp i marka. Knekkpunkta skal koordinatfestast.

*Nasjonalparken omfattar delar av statsallmenningane Leir- og Bøverdalen, Langmorkje, Årdal austre og Luster austre. I Vang kommune omfattar nasjonalparken del av staten sin innkjøpte eigedom gnr. 6 bnr. 267 og del av eit sameige under gnr. 2 bnr. 1, gnr. 2 bnr. 2 og gnr. 3 bnr. 1. I tillegg til statsallmenning i Vågå kommune, omfattar nasjonalparken vatnet Gjende, som er i kommunal eige, og Russvatnet, som tilhøyrer gnr. 143 bnr. 1.*

### § 2 FORMÅL

*Formålet med nasjonalparken er å verne eit vilt, eigenarta, vakkert og i stor grad urørt fjellandskap med geologiske førekomstar, dyre- og planteliv og kulturminne på overgangen mellom austlandsk og vestlandsk fjellnatur.*

*Ålmenta skal ha høve til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.*

*I nasjonalparken er det innafor ramma av vernereglane høve til å utøve landbruk, jakt og fiske, reiseliv, undervisning og forskning.*

### § 3 VERNEREGLAR

#### 1. Landskapet

##### 1.1 Vern mot inngrep i landskapet

Området er verna mot inngrep av alle slag, herunder oppføring av bygningar, andre varige eller mellombelse innretningar, gjerde og anlegg, vegbygging, bergverksdrift, vassdragsregulering, fjerning eller øydelegging av inventaret i grotter, graving, utfylling og lagring av masse, sprenging og boring, bryting av stein, mineralar og fossilar og fjerning av større stein og blokker, drenering og anna form for tørrlegging, nydyrking, bakkeplanering, framføring av luft- og jordleidningar, bygging av bruer og klopper, oppsetting av skilt, opparbeiding og merking av stiar, løyper o.l. Opplistinga av tiltak er ikkje uttømmmande.

*Det er heller ikkje tillate å utføre forundersøkingar for inngrep. Innsamling av mineral ved hjelp av verktøy eller andre hjelpemiddel er forbode. Det er også forbode å samle lause steinar med mineralførekomstar når dei er store eller vert samla i store mengder.*

### **1.2 Reglane i pkt. 1.1 er ikkje til hinder for:**

- a. vedlikehald av eksisterande bygningar og anlegg. Vedlikehald omfattar ikkje ombygging eller utviding. Vedlikehald skal skje i samsvar med tradisjonell byggeskikk og tilpassast landskapet
- b. vedlikehald av eksisterande stiar med merking, bruer, skilt og liknande
- c. kvisting av løyper i medhald av forvaltningsplan
- d. skjøtsel av eksisterande setrar og setervollar

### **1.3 Forvaltningsstyresmakta kan gi løyve til:**

- a. ombygging og utviding av eksisterande bygningar
- b. bygging av nye bygningar og av innretningar som er naudsynthe for drifta av turisthytter i nasjonalparken
- c. gjenoppføring av bygningar som er øydelagde ved brann eller naturskade
- d. bygging av bruer og legging av klopper
- e. oppsetting av skilt, vegvisarpilar, merking av nye stiar og kvisting av nye løyper.
- f. oppsetting av gjerde
- g. større endringar i seterdrifta-
- h. oppføring av oppsynshytter og naust i medhald av fjellovas § 35

Vedlikehald, ombygging, utviding og nybygg skal skje i samsvar med lokal tradisjonell byggeskikk når det gjeld utforming, fargar og materialbruk, og skal tilpassast landskapet.

*1.4. Dersom omsynet til naturmiljøet, villrein og anna dyreliv, reindrift, beitedyr eller liknande tilseier det, kan forvaltningsstyresmakta syte for at opparbeida turistruter og -løyper vert omlagde eller nedlagde.*

## **2. Plantelivet**

### **2.1 Vern av plantelivet.**

Vegetasjonen, herunder daude buskar og tre, skal vernast mot all skade og øydelegging. Planting eller såing av tre og annan vegetasjon er forbode. Nye planteartar må ikkje innførast.

### **2.2 Reglane i 2.1. er ikkje til hinder for:**

- a. bruk av området til beite
- b. skånsam bruk av trevirke til å brenne bål
- c. plukking av bær og matsopp
- d. plukking av vanlege planter til privat bruk

### **2.3 Forvaltningsstyresmakta kan gi løyve til:**

- a. hogst av ved til turisthytter og andre hytter, setrar og gammar i nasjonalparken

### **2.4 Regulering av beite.**

Direktoratet for naturforvaltning kan ved forskrift regulere beiting som kan skade eller øydelegge naturmiljøet.

### 3. Dyrelivet

#### 3.1 Vern av dyrelivet.

Dyrelivet, herunder hi, reir, trekkruiter, hekke-, yngle og gyteplassar er freda mot skade og unødvendig uroing. Utsetting av dyr og organismar på land og i vatn er forbode. Kalking i vassdrag må ha særskilt løyve.

#### 3.2 Reglane i pkt 3.1 er ikkje til hinder for:

- a. jakt etter reglane i viltlova
- b. fiske etter lov om laksefisk og innlandsfisk

#### 3.3 Forvaltningsstyresmakta kan gi løyve til:

- a. utsetting av fisk frå lokale fiskestammer der dette er gjort tidlegare.
- b. kalking av vatn og elver som er naudsynt for å hindre at ein art døyr ut. Det skal gjennom forvaltningsplanen fastsetjast eit referanseområde som ikkje kan kalkast.

### 4. Kulturminne

#### 4.1 Vern av kulturminne

Kulturminne skal vernast mot skade og øydelegging. Lause kulturminne kan ikkje flyttast eller fjernast, og *byggverk som kan ha kulturell eller historisk verdi kan berre fjernast etter løyve frå forvaltningsstyresmakta.*

#### 4.2 Forvaltningsstyresmakta kan gi løyve til;

- restaurering og skjøtsel av kulturminne

### 5. Ferdsl

#### 5.1 Generelt om ferdsl

All ferdsl skal skje varsamt og ta omsyn til vegetasjon, dyreliv og kulturminne.

#### 5.2 Organisert ferdsl

Reglane i denne forskrifta er ikkje til hinder for organisert turverksemd til fots så lenge naturmiljøet og verneformålet ikkje blir skadelidande.

Anna organisert ferdsl, t.d. treningsopplegg, jaktprøver, øvingar, arrangement og konkurransar, og ferdslsformer som kan skade naturmiljøet må ha særskilt løyve frå forvaltningsstyresmakta. Utover dette vert det vist til forvaltningsplanen i § 5.

#### 5.3 Sykling og organisert bruk av hest

Sykling og organisert bruk av hest er bare tillate på veger eller trasear som er godkjent for slik bruk i forvaltningsplanen.

#### 5.4 Regulering av ferdsl

Innafor nærare avgrensa delar av nasjonalparken kan Direktoratet for naturforvaltning ved forskrift regulere eller forby ferdsl som kan skade for naturmiljøet.

#### 5.5 Generelle unntak for ferdsl

Reglane i punkt 5 gjeld ikkje naudsynt ferdsl ved gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd samt gjennomføring av skjøtels- og forvaltningsoppgåver bestemt av forvaltningsstyresmakta.

### 6. Motorferdsl

#### 6.1 Forbod mot motorferdsl

Motorferdsl er forbode på land og vatn, og i lufta under 1000 meter over bakken for taxiflyging og turistflyging, 300 m over bakken for andre.

Parkering og lagring av motorkøyretøy, luftfartøy og motorbåtar i nasjonalparken kan berre skje i samband med løyve til motorferdsel eller etter særskilt løyve frå forvaltningsstyresmakta.

### 6.2 Reglane i pkt 6.1 er ikkje til hinder for

- a. motorferdsel i forbindelse med militær operativ verksemd, politi-, rednings-, brannvern-, skjøtsel-, oppsyns- og forvaltningsoppgåver
- b. lågtflyging under 300 m over bakken dersom akutte vêrtilhøve gjer det naudsynt av omsyn til tryggleiken, og ved lufttransport som har landingsløyve i nasjonalparken
- c. *Bruk av båt med motor på inntil 10 hk på Gjende samband med den bruksrett knytt til beiting og storviltjakt bygdefolk i Vågå og Lom har i desse områda. Maks. hastigheit med motorbåt på Gjende er 8 knop med mindre om det ligg føre særskilt løyve om høgare hastigheit.*
- d. *Bruk av båt med motor inntil 6 hk på Russvatn og Bessvatn i samband med den bruksrett knytt til fisking, beiting og storviltjakt bygdefolk i Vågå og Lom har i desse områda. Maks. hastigheit på Russvatn og Bessvatn er 8 knop.*
- e. *Båtferdsel på Gjende i samband med transport og tilsyn med beitedyr og i samband med oppsyn og fiskekultur som vert drive av Vågå og Lom fjellstyre*
- f. *Motorferdsel i samband med tilsyn og vedlikehald av Hydro A/S sine reguleringsanlegg i Utladalsområdet når ferdsla skjer på vinterføre, på vegen i Gravdalen eller med luftfarty.*
- g. *Motorferdsel på vegen i Gravdalen i samsvar med reglar vedtekne av Direktoratet for Statens Skoger mai 1979*

### 6.3 Forvaltningsstyresmakta kan gi løyve til:

- a. øvingskøyring til formåla som er nemnde i pkt 6.2a
- b. bruk av *motorferdsel* på vinterføre, på veg også på sommarføre og bruk av luftfartøy i samband med husdyrhald, tamreindrift, vedhogst o.l.
- c. bruk av beltekjøretøy på vinterføre eller luftfartøy for transport av *brensel, proviant, varer og utstyr* og til turisthytter, hytter og setrar
- d. motorferdsel på Glitterheimsvegen for transport av brensel, proviant, varer og utstyr til Glitterheim turisthytte
- e. bruk av beltekjøretøy på vinterføre eller luftfartøy for transport av materialar til vedlikehald og byggearbeid på hytter, klopper, bruer o.l.
- f. *persontransport av personale til drift av turisthytter*
- g. Drift av rutebåt på Gjende
- h. *bruk av motorbåt på Gjende for drift av turisthytter*
- i. bruk av beltekjøretøy på vinterføre eller luftfartøy i samband med bufe- og tamreindrift, anna landbruksdrift, utøving av bruksrett og fiskekultivering.
- j. *bruk av beltekøyretøy på vinterføre for utføring av sikringstiltak, t.d. merking og kvisting av løyper*
- k. *Løyve til bruk av traktor eller liknande på traktorvegar for drift av turisthyttene Memurubu og Gjendebu*

## 7. Ureining

### 7.1 Forbod mot ureining

*All slags ureining og forsøpling av vassdrag og naturen er forbode.* All bruk av kjemiske midlar som kan påverke naturmiljøet er forbode. Avfall og overskotsmateriell skal takast med ut av området.

**7.2 Forvaltningsstyresmakta kan gi løyve til:**

- bruk av kalk, sand o.l. til snøsmelting
- kompostering av organisk materiale
- punktsprøyting av stubbar med kjemiske middel ved skjøtsel av kulturlandskap i medhald av godkjend skjøtelsesplan
- bruk av kjemiske middel i drikkevatt når dette er pålagt av helsestyresmaktene

**7.3 Støy**

Unødvendig støy er forbode. Bruk av motordrivne modellfly, modellbåt, er forbode

**8. Gamle rettar**

*Bruksrettar og allmenningsrettar etter fjellova av 6. juni 1975 nr. 31 kan utøvast i den grad dei ikkje kjem i strid med vernereglane for nasjonalparken. Vedhogst til brensel i kraft av gamle bruksrettar er tillate etter utvising frå forvaltningsstyresmakta.*

**§ 4 GENERELLE DISPENSASJONSREGLAR**

Forvaltningsstyresmakta kan gjere unntak frå reglane når formålet med fredinga krev det, for vitskaplege undersøkingar og arbeid av vesentleg verdi for samfunnet, eller i andre særlege tilfelle når dette ikkje strider mot formålet med vernet.

**§ 5 FORVALTNINGSPLAN MV**

Det skal utarbeidast ein forvaltningsplan med nærare retningslinjer for forvaltning, skjøtsel, tilrettelegging, informasjon osv. Forvaltningsplanen skal godkjennast av Direktoratet for naturforvaltning.

**§ 6 SKJØTSEL**

Forvaltningsstyresmakta kan setje i verk tiltak for å fremje formålet med vernet.

**§ 7 FORVALTNINGSSTYRESMAKT**

Direktoratet for naturforvaltning fastset kven som er forvaltningsstyresmakt for verneforskrifta.

**§ 8 RÅDGIVANDE UTVAL**

*I kvar kommune som har areal i nasjonalparken skal det vere tilsynsutval for den delen av nasjonalparken som ligg i vedkomande kommune. Utvala utgjer eit felles rådgivande utval for nasjonalparken. Direktoratet for naturforvaltning fastset mandat for utvala.*

**§ 9 IKRAFTTREDING**

Denne forskrifta trer i kraft straks.

**FORSKRIFT FOR UTLADALEN LANDSKAPSVERNOMRÅDE I LUSTER OG ÅRDAL KOMMUNAR I SOGN OG FJORDANE FYLKE**

Fastsett ved kongelig resolusjon av .....med heimel i lov av 19. juni 1970 nr. 63 om naturvern § 5 og 6, jfr. §§ 21, 22 og 23. Fremja av Miljøverndepartementet.

**§ 1 AVGRENSING**

Landskapsvernområdet omfattar delar av statsallmenningane Årdal austre og Luster austre og delar av følgjande gnr./bnr.:

*Luster kommune: Gnr./bnr.: 8/1, 2, 3, 5, 9/1, 4, 16, 10/1, 11/1, 2, 12/1, 2, 3, 4, 5, 6, 13/1, 3, 4, 5, 20, 22, 38, 14/1, 2, 3, 5.*

Årdal Kommune: Gnr./bnr.: 11/1, 12/1, 2, 13/1, 2, 3, 4, 5, 14/1, 2, 3, 15/6, 16/1, 2, 3, 4, 6, 17/1, 3, 18/1, 2, 19/1, 22/2.

Det samla arealet er på ca. 314 km<sup>2</sup>

Grensene for landskapsvernområdet framgår av vedlagte kart i målestokk 1:100.000, datert

Miljøverndepartementet,.....20..... Dei nøyaktige grensene for landskapsvernområdet skal avmerkast i marka. Knekkpunkta skal koordinatfestast.

*I medhald av lov om naturvern av 19. juni 1970 nr. 63 § 5, jf. § 6, og §§ 21, 22 og 23, er eit område i Utladalen med sidedalar og fjellområde aust og sydaust for Utladalen i kommunane Luster og Årdal i Sogn og Fjordane fylke, ved kgl.res. av 5. desember 1980 verna som landskapsvernområde under namnet Utladalen landskapsvernområde i tilknytning til Jotunheimen nasjonalpark.*

**(grenseskildinga går ut, vert eige dokument?)Landskapsvernområdet har følgjande grenser:**

*Grensa tek utgangspunkt i nederste brua ved Skori i Utladalen, går derifrå i rett linje nordvestover til vestre ende av Åsetvatn, h. 1158, derifrå nord-nordvestover til syd-vestre spiss av allmenningsgrensa ca. 1,5 km. vest for Austanbotnvatn. Grensa følgjer deretter allmenningsgrensa heile vegen langs Hurrungane og Fannaråken til allmenningsgrensas knekkpunkt i Hillerhø, h. 1623, derifrå nordaustover til Skjurtungstind, h. 2000. Derifrå går grensa sydsydvestover til h. 1702, vidare over h. 1901 til h. 1696 vest for Urdadalsbandet. Derifrå sydsydaustover til h. 1409, derifrå vidare sydaustover til fylkesgrensa ved sydenden av Urdadalsvatn. Deretter følgjer grensa fylkesgrensa, først sydsydaustover til Tyin, deretter langs Tyin sydvestover forbi Breidkvam til det punktet der fylkesgrensa vinkler med allmenningsgrensa ved Årdalsfjord. Derifrå går grensa langs allmenningsgrensa nordvestover over Tverreggi, h. 1522, og Nordre Knipen, h. 1553, til knekkpunktet i allmenningsgrensa ca. 400 m. vest for Kyrkjevatn. Frå dette punktet går grensa nordvestover til Hovden, h. 1470, derifrå vidare i same retning til h. 69 syd for Hjelle, vidare ca. 800 m. nordover, aust for husa og tunet på Hjelle, deretter rett vestover tilbake til utgangspunktet.*

*Dei nøyaktige grensene skal oppmerkjast i marka og koordinatfestast. Grensene er innteikna på kart i målestokk 1:100.000 datert Miljøverndepartementet xxxx 2005 (november 1980). Kartet vert oppbevart i kommunane, hjå fylkesmannen, Direktoratet for naturforvaltning, Statskog SF og i Miljøverndepartementet.*

## **§ 2 FORMÅL**

*Formålet med landskapsvernområdet er å verne eit vilt og vakkert vestlandslandskap med naturmiljø og kulturminne i tilknytning til Jotunheimen nasjonalpark.*

*Ålmenta skal ha høve til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.*

*Innanfor ramma av vernereglane kan området nyttast til landbruk, jakt og fiske og reiseliv.*

## **§ 3 VERNEREGLAR**

## 1. Inngrep i landskapet

1.1 Området er verna mot **alle** inngrep som vesentleg kan endre eller verke inn på landskapet sin art eller karakter.

Med dei unntaka som følgjer av forskrifta pkt 1.2 og 1.3 er det forbod mot inngrep som vegbygging, oppføring og ombygging av bygningar eller anlegg, andre varige eller mellombelse innretningar, bergverksdrift, vassdragsregulering, graving og påfylling av masse, sprenging og boring, bryting av stein, mineralar og fossilar, uttak og fjerning av større stein og blokker, drenering og anna form for tørrelegging, nydyrking, nyplanting, bakkeplanering, framføring av luft- og jordleidningar, bygging av bruer og klopper, oppsetting av skilt, opparbeiding og merking av stiar, løyper o.l. Kulturminne skal vernast mot skade og øydelegging. Opplistinga er ikkje uttømmmande.

Fylkesmannen avgjør i tvilstilfelle om eit tiltak kan endre landskapet sin art eller karakter vesentleg.

### 1.2 Reglane i pkt. 1.1 er ikkje til hinder for:

- a. *drift av gardsbruka Vetti, Lauvhaugen og Flaten, herunder den turistnæringa som vert driven der. Vern skal heller ikkje vere til hinder for vanleg jordbruksdrift i utmarka. Planar om endra bruksformer som kan ha vesentleg innverknad på landskapets art eller karakter, skal godkjennast av forvaltningsstyresmakta.*
- b. vanleg vedlikehald av bygningar, anlegg, vegar, kraft- og telefonleidningar og innretningar. Vedlikehald omfattar ikkje ombygging eller utviding. Vedlikehald skal skje i samsvar med tradisjonell byggeskikk og tilpassast landskapet
- c. vedlikehald av eksisterande stiar med merking, skilt, bruer og liknande.
- d. kvisting av løyper i medhald av forvaltningsplan.
- e. **drift og vedlikehald av kulturlandskap i medhald av tiltak som er godkjende i forvaltningsplan og/eller skjøtselsplan**
- f. vanleg vedlikehald av Vettisvegen mellom Skår og Vetti

### 1.3 Forvaltningsstyresmakta kan gi løyve til:

- a. ombygging og utviding av eksisterande bygningar
- b. oppføring av nye bygningar og innretningar som er naudsynte for drift av turisthytter i landskapsvernområdet
- c. gjenoppføring av bygningar som er gått tapt ved brann eller naturskade
- d. bygging av bruer og legging av klopper
- e. merking av nye stiar, oppsetting av skilt og vegvisarpilar og kvisting av nye løyper
- f. riving av bygningar som pregar landskapet sin art **eller** karakter
- g. *utviding av eksisterande* og oppføring av nye bygningar som er naudsynte til landbruksformål
- h. uttak av sand til eigen bruk
- h) *Naudsynte tiltak i landbruket, så som oppføring av sanketruøer, sperregjerde, taubaner m.v.*
- i) *Oppføring av bygningar i medhald av fjellovas § 35.*
- j) *oppføring av ei hytte på Vettismorki, tilhøyrande Vetti gard, jf. Foredrag til Kgl.res.05.12.1980*
- k) *Utviding eller ombygging av eksisterande turisthytter og istandsetting av seterhus*
- l) *Uttak av masse for vedlikehald av Vettisvegen.*

Ombygging, utviding og nybygg skal skje i samsvar med lokal tradisjonell byggeskikk når det gjeld utforming, fargar og materialbruk, og skal tilpassast landskapet.

## 2. Plantelivet

### 2.1

Plantelivet skal vernast mot skade og øydelegging. Innføring av nye planteartar er forbode.

### 2.2

Beiting er tillate. Direktoratet for naturforvaltning kan ved forskrift regulere eller forby beiting som skader landskapets art og karakter.

### 2.3

Hogst av ved til eigen bruk og til hytter, setrar og gammar i landskapsvernområdet er tillate når dette vert gjort som plukkhogst.

*Uttak av trevirke til vedlikehald av bygningar i verneområdet er tillate når dette vert gjort som plukkhogst.*

*Urskogprega furuskog og hole tre og stammar som er eigna som buplass for fuglar, må likevel ikkje fellast.*

### 2.4

Forvaltningstyresmakta kan gi løyve til

- hogst når dette er naudsynt for å ivareta kulturlandskapet i medhald av forvaltningsplan/skjøtselsplan
- hogst av materialar til vedlikehald av bygningar

## 3. Dyrelivet

### 3.1

Jakt er tillate etter reglane i viltlova.

### 3.2

Fiske er tillate etter lakse- og innlandsfisklova.

#### Forvaltningsstyresmakta kan gi løyve til:

- utsetting av fisk frå lokale fiskestammer der dette er gjort tidlegare.
- kalking av vatn og elver som er naudsynt for å hindre at ein art døyr ut. Det skal gjennom forvaltningsplanen fastsetjast eit referanseområde som ikkje kan kalkast.

## 4. Ferdsel

### 5.1 Generelt om ferdsel

All ferdsel skal skje varsamt og ta omsyn til vegetasjon, dyreliv og kulturminne.

### 5.2 Organisert ferdsel

Reglane i denne forskrifta er ikkje til hinder for organisert turverksemd til fots så lenge naturmiljøet og verneformålet blir skadelidande.

Anna organisert ferdsel, t.d. treningsopplegg, jaktprøver, øvingar, arrangement og konkurransar, og ferdselsformer som kan skade naturmiljøet må ha særskilt løyve frå forvaltningsstyresmakta. Utover dette vert det vist til forvaltningsplanen i § 5.

### 5.3 Sykling og organisert bruk av hest

Sykling og organisert bruk av hest er bare tillate på veger eller trasear som er godkjent for slik bruk i forvaltningsplanen.

### 5.4 Regulering av ferdsel

Innafor nærare avgrensa delar av nasjonalparken kan Direktoratet for naturforvaltning ved forskrift regulere eller forby ferdsel som kan skade for naturmiljøet.

### 5.5 Omlegging av stier



Av omsyn til naturmiljøet og kulturminne kan forvaltningsstyresmakta leggje om eller krevje fjerna merking av stiar og løyper.

### 5.6 Generelle unntak for ferdsel

Reglane i punkt 5 gjeld ikkje naudsynt ferdsel ved gjennomføring av militær operativ verksemd og tiltak i samband med ambulanse-, politi-, brannvern-, rednings forvaltningsstyresmakta.- og oppsynsverksemd samt gjennomføring av skjøtsels- og forvaltningsoppgåver bestemt av

## 5. Motorferdsel

### 5.1

Motorferdsel er forbode på land og i vatn **og lågtflyging under 1000 m over bakken** for taxiflyging og turistflyging, 300 m over bakken for andre.

Parkering og lagring av motorkøyretøy, luftfartøy og motorbåtar i landskapsvernområdet kan berre skje i samband med løyve til motorferdsel eller etter særskilt løyve frå forvaltningsstyresmakta.

### 5.2 Forbodet i punkt 5.1 gjeld ikkje:

- a) motorferdsel ved militær operativ verksemd, politi-, rednings-, brannvern-, skjøtsel-, oppsyns- og forvaltningsoppgåver.
- b) Lågtflyging under 300 m over bakken dersom akutte vêtilhøve gjer det naudsynt av omsyn til tryggleiken, og ved lufttransport som har landingsløyve i nasjonalparken
- c) motorferdsel på innmark i forbindelse med drift av jordbruksareal
- d) bruk av snøscooter i samband med tamreindrift
- e) *helikoptertransport av sjuke/skadde husdyr*
- f) *motorferdsel på Vettisvegen i samsvar med "Reglar for Vettisvegen" vedtekne av Årdal kommunestyre 13.10.77)*
- g) *motorferdsel på vegen i Gravdalen i samsvar med reglar vedtekne av **Direktoratet for statens skoger 10. mai 1979***
- h) *motorferdsel i Vettisområdet under utøving av landbruksdrift,*
- i) *motorferdsel i samband med tilsyn og vedlikehald av Hydro a/s sine reguleringsanlegg når ferdsla skjer på vinterføre, på vegane i Gravdalen og Koldedalen eller med luftfartøy,*
- j) *motorferdsel på den delen av vegen inn Koldedalen som ligg mellom dei 2 bruene over Koldedøla (NB! alternativt. justere grensa for LVO her)*
- k) bruk av beltekjoretøy på vinterføre eller luftfartøy for tilsyn med 22 kV høgspenlinje (vest for Tyin) mot rapport i ettertid

### 5.3 Forvaltningsstyresmakta kan gi løyve til:

bruk av båt med motor, beltekjoretøy på vinterføre eller luftfartøy i samband med:

- a) øvingskøyring som er nemnd under pkt. 5.2.a
- b) husdyrhald
- c) vedhogst
- d) storviltjakt
- e) fiske
- f) transport av varer, *brensel, proviant og utstyr* inn til turishytter, hytter og setrar
- g) transport av materialar til vedlikehald og byggearbeid på hytter, klopper o.l.
- h) transport av personale for drift av turishytter
- i) **skogsdrift som er godkjent i medhald av pkt 2.4**
- j) utføring av sikringstiltak, t.d. merking og kvisting av løyper.

## 6. Ureining

### 6.1

All forsøpling og bruk av kjemiske midlar som kan påverke naturmiljøet er forbode. Avfall og overskotsmateriell skal takast med ut av området.

### 6.2 Forvaltningsstyresmakta kan gi løyve til:

- a) bruk av sand og liknande til snøsmelting
- b) bruk av kjemiske middel som punktbehandling på innmark i medhald av skjøtselsplan
- c) kompostering av organisk materiale
- d) bruk av kjemiske middel i drikkevatt når dette er pålagt av helsestyresmaktene

### 6.3

Unødvendig støy er forbode. Det er ikkje tillate å bruke motordrivne modellfly, modellbåt, o.l.

## 7. Andre rettar

*Bruksrettar og allmenningsrettar etter fjellova av 6. juni 1975 nr. 31 kan utøvast i den grad dei ikkje kjem i strid med vernereglane.*

## § 4 GENERELLE DISPENSASJONSREGLAR

Forvaltningsstyresmakta kan gjere unntak frå reglane når formålet med fredinga krev det, for vitskaplege undersøkingar og arbeid av vesentleg samfunnsmessig verdi, eller i andre særlege tilfeller når dette ikkje strider mot formålet med vernet.

## § 5 FORVALTNINGSPLAN

Forvaltningsstyresmakta kan setje i verk tiltak for å fremje formålet med vernet. Det skal utarbeidast ein forvaltningsplan med nærare retningslinjer for forvaltning, skjøtsel, tilrettelegging, informasjon mv. Forvaltningsplanen skal godkjennast av Direktoratet for naturforvaltning.

## § 6 SKJØTSEL

*Forvaltningsstyresmakta kan setje i verk skjøtselstiltak for å fremje formålet med vernet.*

## § 7 FORVALTNINGSSTYRESMAKT

Direktoratet for naturforvaltning fastsetter kven som er forvaltningsstyresmakt for landskapsvernområdet.

## § 8 RÅDGIVANDE UTVAL

*I kvar kommune som har areal i landskapsvernområdet skal det vere tilsynsutval for den del av landskapsvernområdet som ligg i vedkommande kommune. Utvala utgjer eit felles rådgivande utval for landskapsvernområdet. Direktoratet for naturforvaltning fastset mandat for utvalet*

## § 9 IKRAFTTREDING

Denne forskrifta trer i kraft straks.

**RETNINGSLINER FOR TILSYNSUTVALA SI VERKSEMD I  
JOTUNHEIMEN NASJONALPARK OG UTLADALEN  
LANDSKAPSVERNOMRÅDE (JF. § 7 I VERNEFORSKRIFTA)  
(TD: bør med unntak av samansetnad bli ståande som dei er!)**

**1. Oppnemning, samansetning m.m.**

Utvalet skal ha leiar og 3-5 medlemmer, alle med varamedlemmer. Medlemmane blir valde av kommunestyret for 4 år om gongen. Utvalet skal ha sekretær, som bør vera fjelloppsynsmannen.

Kommunen skal syte for at naturvern- og friluftsiinteressene er representerte saman med landbruks-, jakt- og fiskeinteressar. Eitt fjellstyremedlem bør vera med i utvalet. Det same bør ein representant for grunneigarane, dersom det er privat grunn av ein viss storleik i området.

**2. Utvala sine oppgåver.**

**2.1. Generelt**

Utvala skal følgje med i at forvaltninga av vernereglane skjer i samsvar med verneformålet og intensjonane. Det skal følgje med i utviklinga i det verna området og særleg ta seg av lokalsamfunnet sine interesser der.

**2.2. Saker til uttale**

Utvala har uttalerett i alle prinsipielle saker og i saker som medfører endringar i naturmiljøet og/eller inngrep i terrenget.

Utvalet kan også få høve til og sjølv be om å få uttale seg i andre saker.

Ut?:

**Nasjonalparken:**

Vernereglane pkt. 1.1., 1.2, 1.3.1., 1.3.2., 1.4., 1.6., 2.3., 3.1., 3.8., 5.2.3. (**NB** må justerast i samsvar med ny verneforskrift!)

**Landskapsvernområdet:**

Vernereglane pkt. 1., 3., 4 a), b), c), d), e), og g), 9. (**NB** må justerast i samsvar med ny verneforskrift!)

Også i andre konkrete saker og i saker av meir generell interesse, kan utvala få høve til å avgje uttale. Utvala kan av eige initiativ be om å få uttala seg i slike saker.

**2.3. Saker til orientering**

Utvala v/ leiar skal ha orientering om vedtak som vert gjort etter vernereglane.

### **3. Sakshandsaming**

Tilsynsutvala avgjer sjølv møtetidspunkt. Utvala si uttale skal sendast det organet som skal ta avgjerd i saka.

Ved oversending til tilsynsutvalet kan det organet som skal ta avgjerd i saka setje frist for uttale, som ikkje må vera kortare enn 4 veker. Dersom utvalet ikkje har avgjeve uttale innan fristen, eller ikkje har varsla at handsaming av saka vil ta lenger tid, skal dette reknast som om utvalet er samd i avgjerdsorganet sitt forslag til løysing av saka.

### **4. Eit årleg, felles møte for alle utvala**

Alle tilsynsutvala bør halde eit felles, årleg møte for å drøfte felles erfaringar med tilsynet av det verna området.

Utvalsmedlemmene får dekkja omkostningane sine til dette møtet av departementet etter statsregulativet.

#### ***Tillegg/ending:***

*Statskog SF skal vera representert saman med ein representant for Fylkesmannen i Sogn og Fjordane og ein representant for Fylkesmannen i Oppland. Desse har talerett men ikkje stemmerett på fellesmøtet. Andre kan bli inviterte på fellesmøtet når utvala ønskjer det.*

#### **Ut?**

Direktoratet for statens skoger skal vera representert saman med ein representant for fylkesmannen og ein for fylkeslandbrukskontoret i Sogn og Fjordane.

